

茲歿唯資法力宜每寺齋戒以修仁祠鰥寡孤獨不能自存者量加振贍其臥病之徒無人救養多致死
亡凡國郡司爲民父母棄而不顧豈稱子育宜一一到門給穀與藥令得存濟又免除去弘仁十三四兩
年調庸未進宜告遐邇使知此意焉 七年四月己巳太宰管内及陸奥出羽等國疫癘流行天死稍多
令五畿內七道諸國簡精進僧廿已上各於國分寺三箇日轉讀金剛般若經以除不祥已事之間殺生
禁斷

〔續日本後紀^{仁明}〕天長十年三月丁未延百口僧於大極殿轉讀大般若經以祈年穀兼攘疫氣也普告
天下禁斷殺生限以三箇日

〔續日本後紀^{仁明}〕天長十年六月癸亥是日爲聖體有間使神祇伯正四位下大中臣朝臣淵魚奉幣於
賀茂大神又命天下諸國修理寺塔破壞者及神社勅曰如聞諸國疫癘天亡者衆自非修繕何以攘災
宜令諸國各請練行僧大國廿人上國十七人中國十四人下國十人三箇日內晝轉金剛般若經夜修
藥師悔過其布施者三寶穀十斛僧三斛以正稅宛行俾致精進

〔續日本後紀^{仁明}〕承和元年四月丙午疫癘頗發疾苦稍多仍令京城諸寺爲天神地祇轉讀大般若經
一部金剛般若經十万卷以攘災氣也

〔類聚國史^{百七十三}〕承和二年四月丁丑勅曰如聞諸國疫癘流行病苦者衆其病從鬼神來須以祈禱
治之又般若之力不可思議宜令十五大寺轉讀大般若經極夫沈病兼防未然焉 三年七月癸未復
勅曰如聞諸國疫癘間發天死者衆夫銷災管招福祐者唯般若冥助名神嚴力而已宜令五畿內七道
諸國司轉讀般若走幣名神

〔續日本後紀^{仁明}〕承和三年八月辛酉延五十口禪僧於八省院轉讀大般若經以禦疫氣諸司酷食
丙寅八省院禪僧轉經竟布施布帛及度者各一人天皇御紫宸殿引禪僧中慧解者十人令一一論義
亦施袈衣并御被各有差